

**"Ақмола облысының (қаланың, ауданының) құрметті азаматы" атағын беру қағидаларын бекіту туралы" Ақмола облыстық мәслихатының 2022 жылғы 14 қыркүйектегі № 7С-20-9 шешіміне өзгерістер енгізу туралы**

Ақмола облыстық мәслихатының 2023 жылғы 27 маусымдағы № 8С-3-10 шешімі. Ақмола облысының Әділет департаментінде 2023 жылғы 13 шілдеде № 8602-03 болып тіркелді

Ақмола облыстық мәслихаты ШЕШТІ:

1. "Ақмола облысының (қаланың, ауданының) құрметті азаматы" атағын беру қағидаларын бекіту туралы" Ақмола облыстық мәслихатының 2022 жылғы 14 қыркүйектегі № 7С-20-9 шешіміне (Нормативтік құқықтық актілерді мемлекеттік тіркеу тізілімінде № 29653 болып тіркелген) мынадай өзгерістер енгізілсін:

3-тармақта орыс тіліндегі мәтінге өзгеріс енгізілді, қазақ тіліндегі мәтін өзгермейді; көрсетілген шешімнің 1-қосымша осы шешімнің қосымшасына сәйкес жаңа редакцияда жазылсын;

көрсетілген шешімнің 2-қосымшада:

1-тармақ жаңа редакцияда жазылсын:

"1. "Ақмола облысының (ауданының, Көкшетау, Степногорск қалаларының) құрметті азаматы" атағын беру Ережелерін бекіту туралы" Ақмола облыстық мәслихатының 2009 жылғы 16 қазандығы №4С-17-5 шешімі (Нормативтік құқықтық актілерді мемлекеттік тіркеу тізілімінде №3338 болып тіркелген).".

2. Осы шешім оның алғашқы реңми жарияланған күнінен кейін құнтізбелік он күн өткен соң қолданысқа енгізіледі.

Ақмола облыстық мәслихатының төрағасы

Б.Жусупов

Ақмола облыстық  
мәслихатының  
2023 жылғы 27 маусымдағы  
№ 8С-3-10 шешіміне  
қосымша  
Ақмола облыстық  
мәслихатының  
2022 жылғы 14 қыркүйектегі  
№ 7С-20-9 шешіміне  
1-қосымша

**"Ақмола облысының (қаланың, ауданының) құрметті азаматы" атағын беру қағидалары**

**1-тарау. Жалпы ережелер**

1. Осы "Ақмола облысының (қаланың, ауданың) құрметті азаматы" атағын беру қағидалары "Қазақстан Республикасындағы жергілікті мемлекеттік басқару және өзін-өзі басқару туралы" Қазақстан Республикасының Заңына сәйкес өзірленді және "Ақмола облысының (қаланың, ауданың) құрметті азаматы" атағын беру тәртібін регламенттейді.

2. "Ақмола облысының (қаланың, ауданың) құрметті азаматы" атағын (бұдан әрі – атақ) беру облысты (қаланы, ауданды) дамытудағы азаматтардың экономикалық және әлеуметтік белсенділігін арттыруда ынталандырудың, азаматтардың жемісті еңбегін, олардың қабілеттіліктерін, дарындылығы мен бастамашылдығын қоғаммен танудың маңызды бір моральды түрі болып табылады.

3. Атақ:

1) мемлекеттік наградалары бар кәсіби міндеттемелерін немесе азаматтық парызын орындауда жеке ерлік көрсеткендерге;

2) өзінің еңбек ету кезеңінде облыстың (қаланың, ауданың) әлеуметтік-экономикалық дамуына үлес қосқандарға, еңбекке деген мұлтіксіз және шығармашылық көзқарасы, қоғамдық өмірге белсенді қатысқаны үшін;

3) облыстың (қаланың, ауданың) экономикалық өсуіне және әлеуметтік дамуына белсенді ықпал еткен инновациялық қызметі мен алдыңғы қатарлы технологияларды енгізгендігі үшін;

4) ғылым, әдебиет, өнер саласында және шығармашылық қызметтің басқа түрлеріне, мәдениет, спортты дамытуға, білім, денсаулық сақтау сапасын көтеруге ерекше үлес қосқандарға;

5) облыста (қалада, ауданда) тұрып жатқан халықтардың арасында ұлтаралық келісім мен қоғамдық тұрақтылықты, бейбітшілікті, достықты және ынтымақтастықты нығайту бойынша жемісті еңбегі үшін;

6) зандылықты, қоғамдық тәртіпті қамтамасыз еткендігі үшін;

7) азаматтардың құқықтарын және занды мұдделерін қорғау бойынша, қайырымдылық қызметі мен мейірімділігі, Ақмола облысының (қаланың, ауданың) елдегі беделін көтерудегі белсенді қызметі үшін азаматтарға беріледі.

4. Атақ мемлекеттік қызметте өзін көрсете білген мемлекеттік және саяси қайраткерлерге, облыстың (қаланың, ауданың) әлеуметтік-экономикалық және мәдени дамуына ықпал еткен азаматтарға ерекше құрмет ретінде берілуі мүмкін.

5. Атақ Қазақстан Республикасының азаматтарына тірі кезінде беріледі.

6. Атақ:

1) атаққа ұсынылған сәтте заннамада белгіленген тәртіппен өтелмеген немесе алып тасталмаған сотталғандығы бар адамдарға;

2) сотпен әрекет қабілеттілігі жоқ немесе әрекет қабілеттілігі шектелген деп танылған адамдарға;

3) атаққа ұсыну сәтінде әкімшілік жазасы бар адамдарға беріlmейді.

## **2-тaraу. Атақ беру тәртібі**

7. Атақты беру туралы қолдаухатты еңбек және шығармашылық ұжымдар, қоғамдық және діни бірлестіктер, саяси партиялар, тиісті мәслихат депутаттары және өзге де бастамашыл топтар (бұдан әрі – бастамашыл тобы) ұсына алады.

Бұл ретте, бір бастамашыл топтан ағымдағы күнтізбелік жыл ішінде тек бір кандидатқа қатысты атақ беру туралы қолдаухат енгізілуі мүмкін.

8. Қолдаухатқа бірінші басшы немесе тиісті уәкілетті адам қол қояды, онда атақ берілетін үміткерлердің нақты сінірген еңбектері аталады.

9. Қолдаухатта үміткердің негізгі өмірбаяндық деректері, оның Ақмола облысының (қаланың, ауданының) алдындағы жетістіктері мен сінірген еңбектерінің қысқаша сипаттамасы көрсетіледі, сонымен қатар:

- 1) үміткердің сінірген еңбектерінің толық сипаттамасы бар мінездеме;
- 2) растайтын құжаттарымен қоса мемлекеттік және басқа да бар наградаларының тізбесі;
- 3) бастамашыл топтың жиналыс шешімінің хаттамасы;
- 4) жеке куәліктің/паспорттың көшірмесі;
- 5) осы қағидалардың қосымшасына сәйкес нысан бойынша ерекше сінірген еңбегін сипаттайтын мәліметтерді қамтитын наградату параграфы;
- 6) үміткердің 3x4 сантиметр (2 дана) және 6x9 сантиметр (1 дана) көлеміндегі фотосуреттері қоса беріледі.

10. Атақ беруге өз кандидатураларын өздігінен ұсынған адамдардан келіп түскен қолдаухаттар қаралмайды.

11. Қолдаухат "Ақмола облысының (қаланың, ауданының) құрметті азаматы" атағын беру мәселелерін қарау бойынша тиісті жұмыс тобының (бұдан әрі – жұмыс тобы) қарауына жібереді. Жұмыс тобы әкімнің әкімімен құрылады және мемлекеттік, жергілікті өкілді және атқарушы органдардың, үкіметтік емес ұйымдардың, қоғамдық пікір көшбасшыларының, қоғамдық кеңестердің өкілдерінен тұрады.

12. Жұмыс тобының шешімі ашық дауыс беру арқылы қабылданады және жұмыс тобының жалпы санының басым бөлігі ол үшін дауыс берген жағдайда қабылданған болып есептеледі.

13. Дауыстар тең болған жағдайда, жұмыс тобының басшысы дауыс берген шешім қабылданды деп есептеледі.

14. Жұмыс тобының мүшелерінің ерекше пікір білдіруге құқығы бар, оны білдірген жағдайда, жазбаша түрде баяндалуы және хаттамаға қоса берілуі қажет.

15. Жұмыс тобының қызметіне қандай да бір араласуға жол берілмейді.

16. Жұмыс тобы атақ беру немесе тиісті себептерін (құжаттар тізбесі толық емес және (немесе) ұсынылған құжаттардың осы қағидалардың талаптарына сәйкес келмеуі) көрсете отырып, одан бас тарту (көрі қайтару) туралы шешім қабылдайды.

17. Жұмыс тобының шешімі ұсынымдық сипатта болады, хаттамамен ресімделеді және басшы мен хатшымен қол қойылады.

18. Атақ беруге кандидатура туралы ұсыныс және материалдар тиісті мәслихатқа, оның регламентіне сәйкес жолданады.

19. Атақ облыс (қала, аудан) әкімінің ұсынысы бойынша тиісті мәслихатпен, жылына бір рет беріледі.

20. Мәслихат атақ беру бойынша шешім қабылдайды. Мәслихаттың атақ беру туралы шешімі бұқаралық ақпарат құралдарында жарияланады.

### **3-тарау. Куәлік пен төсбелгіні тапсыру тәртібі**

21. Атақ алған адамға "Ақмола облысының (қаланың, ауданның) құрметті азаматы" күелігі, төсбелгісі салтанатты түрде беріледі және оның есімі тиісті мәслихаттың аппаратында сақталатын Ақмола облысының (қаланың, ауданның) құрметті азаматтарының кітabyна хронологиялық тәртіппен енгізіледі.

22. Атақ алған адамдар куәлік пен төсбелгінің сақталуын қамтамасыз етулері тиіс.

Атақ берілгендердің растайтын құжаттар жоғалған жағдайда, оны иеленген адам өзінің құқықтарын сақтап қалады.

23. Атақ беру туралы құжаттардың телнұсқалары олар жоғалған жағдайда тиісті мәслихаттың шешімімен беріледі.

### **4-тарау. Қорытынды ережелер**

24. Атақтан айыру тек мәслихаттың шешімімен келесі жағдайларда жүргізіледі:

1) соттың айыптау үкімінің занды қүшіне енуі;

2) атаққа ұсыну туралы ұсыныс білдірген ұжымның ұсынысы бойынша, сондай-ақ құқық қорғау органдарының ұсынысы бойынша адамның атаққа кір келтіретін әрекет жасауы.

Атағынан айыру жағдайында, атақтан айырылатын адамнан күелігі, төсбелгісі қайтарылады, сонымен бірге Ақмола облысының (қаланың, ауданның) құрметті азаматтарының кітабында тиісті жазба жазылады.

25. Заңсыз сотталған және сот шешімі бойынша толық ақталған адамдар атаққа құқықтарын қалпына келтіреді.

"Ақмола облысының  
(қаланың, ауданның)  
құрметті азаматы" атағын  
беру қағидаларына  
қосымша

---

(облыс/қала/аудан)

НАГРАДТАУ ПАРАФЫ

1. Тегі, аты, әкесінің аты \_\_\_\_\_  
\_\_\_\_\_  
\_\_\_\_\_

2. Жеке сәйкестендіру нөмірі (ЖСН) \_\_\_\_\_

3. Лауазымы, жұмыс, қызмет орны (кәсіпорын, мекеме, ұйым бөлімшесінің нақты атауын көрсөу) \_\_\_\_\_  
\_\_\_\_\_  
\_\_\_\_\_

4. Жынысы \_\_\_\_\_ 5. Тұған жылы мен жері \_\_\_\_\_

6. Ұлты \_\_\_\_\_

7. Білімі \_\_\_\_\_

8. Ғылыми дәрежесі, ғылыми атағы \_\_\_\_\_

9. Қазақстан Республикасының қандай мемлекеттік наградаларымен наградталған және наградталған уақыты: \_\_\_\_\_  
\_\_\_\_\_  
\_\_\_\_\_

10. Үйінің мекенжайы: \_\_\_\_\_

11. Жалпы жұмыс өтілі \_\_\_\_\_ Саладағы жұмыс өтілі \_\_\_\_\_

12. Осы еңбек ұжымындағы жұмыс өтілі \_\_\_\_\_

13. Наградталушының нақты сіңірген еңбектері көрсетілген мінездеме: \_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_

Кандидатура \_\_\_\_\_

(кәсіпорынның, мекеменің, ұйымның атауы немесе бастамашыл топтың Т.А.Ә.,  
талқылау күні, хаттаманың №)

\_\_\_\_\_ талқыланып,  
ұсынылған.

(Т.А.Ә.) (қолы)

" \_\_\_\_ " 20 жыл Мер орны

(толтырылған күні) (бар болса)

Ескертпе: наградаталушиның тегі, аты және әкесінің аты жеке қуәлігі бойынша  
толтырылады және қазақ және орыс тілдеріндегі транскрипциясы міндетті түрде  
көрсетіледі.

© 2012. Қазақстан Республикасы Әділет министрлігінің «Қазақстан Республикасының Заңнама және  
құқықтық ақпарат институты» ШЖҚ РМК